

1 Isaṇ

An'ɔ Isaṇ ɔyɔnε-ε, t'ake tɔ pəmar pakaraṇεε areka ṇɔn-ε?

Areka ṇɔcɔkɔ-cɔkɔ ṇa Isaṇ ṇɔ ṇaṇε ṇṇε anacic meren wəco camət-maas kɔ kəcamət (85) kəbəp ka meren wəco camət-manɔkəle kɔ kəcamət (95) nte kəkom ka Krist kənacepər mɔ. Isaṇ enamentərne fe kəyɔnε ka wəcicəs ka areka ṇaṇε, mba sapitər səcɔkɔ-cɔkɔ səmentər a fər yɔn kirin yɔ kəyi ka Yesu doru kɔ kəfɔte kən afi daco kɔ mes maməkɔ mənacepər (1.1-3). Tecicəs ta areka ṇa Isaṇ tɔlɔtərεε kəwurene kɔ tecicəs nte ambəp dəkawandi ka Isaṇ mɔ. Ancem-cemne a Isaṇ enacicəs Kawandi kən kɔ reka nyε maas dare da Efesi, nde enande mɔ: Areka ṇa Isaṇ ṇɔcɔkɔ-cɔkɔ, ṇa mērəṇ, kɔ ṇa maas.

Isaṇ enacice alaṇ fəp tem nte kəlonkane ka alaṇ kənayi dəpəcuca pa afum alɔma aṇε ancwe «acərə» mɔ. Afum akakɔ ṇancem-cemne a Yesu Kanu yati enayɔnε, bafɔ fum enayi nwe ɔyɔnε dis kɔ mecir pəyi antɔf kəron mɔ. It'əsəṇε Isaṇ kəcicəs kəsəṇε kəcərə a fər yɔn kirin mes ma kəyi doru ka Yesu kənacepər haṇ nkənsərka pəcgbuṇεε Yesu waca wɔn yati (1.1-3). Isaṇ enacic areka ṇaṇε nte tɔṇsəṇε pəlas pəbotu pən mɔ (1 Isaṇ 1.4), pəsəṇε alaṇ kətɔciya (1 Isaṇ 2.1), pəbum alaṇ metəkse ma yem (1 Isaṇ 2.26), pəyenɔkəs alaṇ bəkəc kəsəṇε ṇa kəcərə a ayac ṇa (5.13).

Tokotərəne ta moloku ma areka

1. Isaṅ ementər areka ḡən, k'oloku tes nte təsəṅe k'ancic ḡi mə (1.1-4).
2. Isaṅ enasəksər afum nte Kanu kəyənə pəwanḡərə mə, pəmar pacepərəne doru kəyi dəpəwanḡərə pəmə təkə Yesu enacepərəne di mə (1.5-3.10).
3. Nte tencəme ti darəṅ mə, Isaṅ enacəmə-cəməs tosom nte təyənə ta kəbətərəne mə (3.11-5.12).
4. Moloku melpəs (5.13-21).

Toloku ta kiya wəyeṅ

¹ Təkə tenayi kəyefe dəkəcop, nte sənane, nte sənənəṅke fər yosu, nte sənəḡbəkəre kə waca wosu wonḡbunḡsərene ti mə, ti təyənə toloku ta kiya wəyeṅ.

² Awa kiya wəyeṅ kəmentərne, kə sənəṅk ki, səndəṅk sede sa ki, səloku nu kiya wəyeṅ ka doru o doru, nke kənayi Kas kəsək akə kəmentərne su mə.

³ Səndəṅkər nəna nte sənənəṅk kə sənə mə, nte tənḡsəṅe nəna sə nətəṅne kə sənə, patəṅne fəp fosu kə Kas kə wan kən Yesu Krist mə.

⁴ Tatəkə, sənə, səncic ti, nte tənḡsəṅe pəbotu posu pelare mə.

Kanu pəwanḡərə pə

⁵ Tosom nte sənənəne Krist mə, tə səndəṅkər nu, ti təyənə Kanu pəwanḡərə pə, kubump nke o nke kəyi fe kə.

⁶ Kə səloku a sənəṅne kə nkən mba səckət dəkubump-ε, kəyeme kə sənde, səyi fe kəcyə nte kance kəloku mə.

⁷ Mba kə səndekət pəwanḡərə disre, pəmə təkə nkənsərka eyi pəwanḡərə mə-ε, səyi kətəṅne disre

kə akə ŋayi dəpəwan̄kəra mə, mecir ma Yesu wan kən mendesəkəs su pəciya fəp.

⁸ Kə səloku a səyɔ fə kiciya-ε, kətiŋkərne kə sändε, kance kəyi fə su.

⁹ Kə səwosε kəcɛŋ kiciya kosu-ε, Kanu kəŋyɔ təkə kənaloku mə, kəlomp, kəndən̄aŋnɛnɛ su kiciya kosu, kəsəkəs su pətəlomp fəp.

¹⁰ Kə səloku a sənciya fε-ε, səsɔŋε pəyi pəmɔ Kanu wəyemε ɔfɔ, toloku tən teyi fə su.

2

Krist ender kəmar su

¹ Awut em, incic'on tantε ntε tən̄sɔŋε ta nənciya mə. Mba kə fum enciya-ε, səyɔ wəmar nwe eyi nde Papa kəsək mə, Yesu Krist, wəlomp.

² Nkən yati ɔyɔnε polon̄nε mpε pon̄kump kiciya kosu mə, bafɔ kiciya ka sən̄a gbəcərəm, mba ka aka doru dandε fəp.

³ Kə səmɛŋkərne mosom ma Kanu-ε, səntam kəcloku a səncərə kə.

⁴ Nwε on̄loku: «Incərə kə» ta wəkayi ɛmɛŋkərne mosom mən-ε, wəyemε ɔfɔ, kance kəyi fə kə.

⁵ Mba nwe ɛŋmɛŋkərne toloku tən mə, kance kəyi wəkayi, kəbətər ka Kanu kəmbut fə kə. Ntε tən̄sɔŋε a səncərə a səyi kə nkən:

⁶ Nwε on̄loku kəyi kə Kanu mə, pəmar pəkət pəmɔ Yesu.

⁷ Nən̄a aŋε imbətər mə, bafɔ tosom tofu t'incic'on, mba tosom tokur ntε nənasətɔ kəyεfε dəkəcop mə. Tosom tokur tatəkɔ tɔyɔnε toloku təkə nənane mə.

⁸ Kəca kəlɔma, tosom tofu t'incic'on ntε tɔyɔnε kance nnɔ Krist eyi mə kə nnɔ nən̄a nəyi mə, bawo

kubump kancepər kə pəwan̄kəra pa kance peyi on̄ kəmar.

⁹ Nwε on̄loku kəyi dəpəwan̄kəra mba wəkayi pəter wənc wəlan̄ mə, əsərəyi dəkubump.

¹⁰ Nwε əmbətər wənc wəlan̄ mə eyi dəpəwan̄kəra, nnə eyi mə, ntε o ntε teyi fε ntε təmpət kə mə.

¹¹ Mba nwε enter wənc wəlan̄ mə, dəkubump eyi kəkət, encərə fε nde eyi kəkə mə, bawo kubump kəsəŋε kə fər kətənəŋk.

Kətfərnε ka doru kə ka ater a Krist

¹² Kəcic'on k'indε awut em,
bawo aŋaŋnən'on kiciya konu teta tewe ta
Krist.

¹³ Kəcic'on k'indε, papa aŋa,
bawo nəncərə wəkə enayi kəyεfε dəkəcop mə.
Kəcic'on k'indε, nəna atəmp,
bawo nəntam Wələc, Sentani.

¹⁴ Incic'on awut em,
bawo nəncərə Papa Kanu.

Incic'on papa aŋa,
bawo nəncərə wəkə enayi kəyεfε dəkəcop mə.

Incic'on nəna atəmp,
bawo nəyɔ səkət,
kə toloku ta Kanu teyi nu,
kə nəntam Wələc, Sentani.

¹⁵ Ta nəbətər mes ma doru, ta nəbətər sə daka da doru. Kə fum əmbətər mes ma doru-ε, kəbətər ka Papa Kanu kəfəyi kə.

¹⁶ Bawo daka o daka ndε deyī doru mə, bafə ndena Papa Kanu dənyεfε, mba da doru dandε də. Kəyεfε tefan̄ tɛləc ta dis kəkə tefan̄ tɛləc ta fər kəbəp ka kəlan̄ ka kədət banca ka kəsətə ka daka dadəkə, maməkə fəp doru dandε dəyɔ mi.

¹⁷ Doru dandε dendelip kɔ mɛfanj mɛlɛc ma di, mba mɛna nwε mɛncɛmɛ tɛfanj ta Kanu darɛnj mɔ, mɛnjyi wɛyɛnj doru o doru.

¹⁸ Awut em, dec dɛlpɛs d'ayi dandε! Nɛnane pacloku a wɛtɛr ka Krist endeder. Kance kɔ: Ater a Krist ɲala oɲ ndɛkɛl. It'ɔsɔɲɛ ntɛ sɛncɛrɛnɛ a dec dɛlpɛs dɛmbɔp mɔ.

¹⁹ ɲanawur kɛtɛɲɲɛ kosu disrɛ, mba bafɔ akosu ɲanayi. Bawo ɲanayɔnɛ akosu-ɛ, kɔ ɲanader ɲayi kɔ sɛna. Tɛmɛntɛrɲɛ ali wɛkin ɲa daco ɛnayɔnɛ fɛ wɛkosu.

²⁰ Kɔ nɛna, nɛsɔtɛr Krist Amera ɲɛcɛmpi, it'ɔsɔɲɛ ntɛ fɛp fonu nɛncɛrɛ kance mɔ.

²¹ Incic'on, tɔyɔnɛ fɛ a nɛncɛrɛ fɛ kance, mba bawo ali yem yin yeyi fɛ dɛkance nkɛ nɛncɛrɛ mɔ.

²² An'ɔyɔnɛ wɛyɛmɛ, kɔ pɛyɔnɛ fɛ nwε ence kɛlɔku a Yesu ɔyɔnɛ Krist mɔ-ɛ? Awa wɛkakɔ ɔyɔnɛ wɛtɛr ka Krist, wɛkakɔ ece Papa Kanu kɔ Wan.

²³ Nwε o nwε ence Wan mɔ, ɔyɔ fɛ sɔ Papa Kanu. Nwε owosɛ pɛlɔku sɔ tɛta Wan mɔ, nkɔn ɔyɔ sɔ Papa Kanu.

²⁴ Kɔ nɛna, nɛmɛɲkɛrɲɛ tɔkɔ nɛnane kɛyɛfɛ dɛkɛcɔp mɔ. Kɔ nɛmɛɲkɛrɲɛ tɔkɔ nɛnane kɛyɛfɛ dɛkɛcɔp mɔ-ɛ, nɛna sɔ nɛnjyi dɛWan kɔ dɛKas.

²⁵ Tɛmɛr ntɛ Krist ɛnasɔɲ su mɔ, tɔyɔnɛ kiyi wɛyɛnj ka doru o doru.

²⁶ Incic'on tantɛ tɛta akɔ ɲantɲɲɛr'un mɔ.

²⁷ Kɔ nɛna, kɛbɔy ka Amera ɲɛcɛmpi ɲɔkɔ nɛnasɔtɛr Krist mɔ, kɛyi nu. Kɛdɛr ka fum kɛdɛtɛks'on kɛyɔ fɛ dɛkɛcɛmɛ nnɔ nɛyi mɔ, bawo kɛbɔy kɔn kɛntɛks'on mɛs fɛp. Kɛbɔy ka Amera ɲɛcɛmpi kanjɔ kɛyɔnɛ kance, kɛyɔ fɛ yem. Awa!

Nəsumpər kəyi dəKrist pəmō təkō kəbōy ka Amera Necempi kənatəks'on mō.

Awut a Kanu

²⁸ Ndekəl oṇ awut em, nəsumpər kəyi dəKrist, ntə təṇsəṇe pəyōne tēm ntə o ntə Krist endementərne mō, patəmpər kəbəkne ta malap mme o mme mōsəṇe su kəbōle kō tēm ta kəder kən.

²⁹ Kō nāncərə a Krist olomp-ε, nəcərə sō a nwε o nwε əṇkət pəlompu disre mō, dokom da Kanu d'eyεfe.

3

¹ Nəməmən ma kəbətər kəpəṇ nke Papa Kanu əsəṇ su mō, kəbətər kaṇkō kəsəṇe pacwe su «awut a Kanu.» Na ḡ səyōne yati! K'afum a doru ḡantəcərə su-ε, təyōne a ḡancərə fe Kanu.

² Nəna aṇe imbətər mō, ndekəl oṇ awut a Kanu ḡ səyōne. Teyi ntə səndeyi mō tentamentərne fe kərəsna. Mba səncərə a tēm o tēm ntə Krist endementərne mō, səndewurēne kō nkən, bawo səndenəṇk kō pəmō təkō eyi mō.

³ Nwε o nwε ətəmpər kəgbəkər amera kaṇkō, əṇsəkəsne pəmō təkō Krist əsək mō.

⁴ Nwε o nwε enciya mō, bafō sariye sa Kanu s'encəme darəṇ. Bawo kiciya, kəyənəkər ka sariye sasəkō domp kō.

⁵ Awa! Nəncərə ti, Krist enamentərne kədelin kiciya. Kō nkən, kiciya kəyi fe kō.

⁶ Nwε o nwε eyi kō Krist mō, əfōciya. Nwε o nwε enciya mō encərə fe kō, ali katin enəṇk fe kō.

⁷ Awut em, ta fum o fum pətiṇkər nu! Nwε əṇyō tes tolompu mō, wəlompu əfō, pəmō təkō Krist olomp mō.

⁸ Nwε enciya mɔ dɔŋŋk ɲɛɛc ɛyɛfɛ, bawo ɲŋk ɲɛɛc ɲɛnaciya kɛyɛfɛ dɔkɔcop. Kɔ Wan ka Kanu ɛnamɛtɔrɛ-ɛ, tɛta kɛɛsɛr ka yɛbɔc ya ɲŋk ɲɛɛc kɛɛayi.

⁹ Nwε o nwε ɛɲyɛfɛ dokom da Kanu mɔ ɔfɔciya, bawo defet da Kanu, ndɛ dɔyɔnɛ toloku tɔn mɔ, deyɪ kɔ. Wɛkayi ɔfɔtam kɛciya bawo dɔKanu ɛyɛfɛ.

¹⁰ Ti tɔyɔnɛ tɛɛɲpɛɛ ta ayɛfɛ dokom da Kanu kɔ ayɛfɛ dokom da ɲŋk ɲɛɛc: Nwε o nwε ɔntɔyɔ pɛlompu mɔ, bafɔ dokom da Kanu d'ɛyɛfɛ, tin tayɪ tɔ kɔ nwε ɔntɔbɔtɔr wɛnc wɛɔɔɲ mɔ.

Pabɔtɔrɛɛ!

¹¹ Tosom tantɛ tɔ nɔnane kɛyɛfɛ dɔkɔcop: Pabɔtɔrɛɛ!

¹² Ta payɔ pɛmɔ Kayɛn, nwε ɛɛayɛfɛ dɔWɛɛc, Sentani, k'endɪf wɛnc mɔ. T'ake t'ɛnadɪfɛ kɔ-ɛ? Bawo yɛbɔc yɔn yɛɔɔlompu fɛ, ya wɛnc yolomp.

¹³ Awɛnc im aɲa, ta tɛciyanɛn'on k'afum a doru ɲanɛr nu-ɛ.

¹⁴ Sɛna, sɛɛcɛrɛ a ndɛ defɪ deyɪ mɔ sɛyɛfɛ, kɔ sɛɲkɔ ndɛ kiyi wɛyɛɲ kɛyi mɔ, bawo sɛmbɔtɔr awɛnc asu alaɲ. Nwε ɔntɔbɔtɔr wɛnc mɔ, eyɪ ndɛ defɪ deyɪ mɔ.

¹⁵ Nwε o nwε ɛntɛr wɛnc mɔ wɛdɪf fɛm ɔfɔ. Nɛɛcɛrɛ alɪ wɛdɪf fɛm wɛkɪn, kiyi wɛyɛɲ ka doru o doru kɛyi fɛ kɔ.

¹⁶ Tantɛ tɔɲsɔɲɛ su kɛcɛrɛ kɛbɔtɔr: Krist ɔsɔɲ kiyi wɛyɛɲ kɔn tɛta sɛna. Sɛna sɔ pɛmar sɛsɔɲ kiyi wɛyɛɲ kosu tɛta awɛnc asu alaɲ.

¹⁷ Mba kɔ fɛm wɛɔɔma ɔyɔ daka da doru, pɛɔɔɲk wɛnc wɛɔɔɲ pɛyi dɛpɛcɛɛa, mba pɛgbɔtɔr wɛnc wɛkɔkɔ abɛkɛc-ɛ, cɛkɛ cɔ kɛbɔtɔr ka Kanu kɛyi wɛkayi-ɛ?

¹⁸ Awut em, ta payo kəbətər ka dəmoloku kə dətəmer gbəcərəm, mba payo kəbətər nkɛ kəŋmentərne dəmɔyɔ kə dəkance mə.

Kəlan ka afum Kanu fər kirin

¹⁹ Tatəkə tɔŋsɔŋɛ su kəcərə a aka kance ŋə səyɔnɛ, bəkəc yosu yɔfər Kanu fər kirin.

²⁰ Bawo kə bəkəc yosu yoloku a sənciya-ɛ, Kanu kəmbək katas yi, kə kəncərə mes fəp.

²¹ Nəna aŋɛ imbətər mə, kə bəkəc yosu yəntɔloku su a sənciya-ɛ, səyɔ kəbəkne nde Kanu kəyi mə.

²² Ntɛ o ntɛ səntola mə səŋsətər kə ti, bawo səmɛŋkərne mosom mən, kə səŋyɔ sɔ mes mme məmbət kə mə.

²³ Tosom tən tɛntɛ: Pagbəkər tewe ta wan kən Yesu Krist kəlan, pabətərɛnɛ pəmə tosom təkə ɛnasom su mə.

²⁴ Məna nwe məmɛŋkərne mosom maməkə mə, məyi dəKanu, pəmə ntɛ Kanu kəyi dəmənə wəkayi mə. Amera Nəcempi ŋəkə ɛnasɔŋ su mə, ŋəŋsɔŋɛ kəcərə a Kanu kəyi su.

4

Amera ŋa Kanu kə ŋa wəterɛnɛ kən

¹ Nəna aŋɛ imbətər mə, ta nəlan akə ŋabaŋɛnɛ kəyɔ Amera mə fəp. Mba nəkəkɛ yi ntɛ tɔŋsɔŋɛ nətam kəcərə kə pəyɔnɛ ya dəKanu yɔ-ɛ, bawo sayibɛ sa yem səlarəm səsamsər doru.

² Tantɛ disrɛ nəntam kəcərə a Amera ŋa Kanu ŋɔ: Amera ŋɛ o ŋɛ ŋəŋwosɛ kəcərə a Yesu Krist ɛnader pəyɔnɛ fum mə, ŋa Kanu ŋɔ.

³ Mba amera ŋɛ o ŋɛ ŋəntəwosɛ kəloku a Yesu ɛnader cəfum mə, bafɔ ŋa Kanu ŋɔ, ŋa wəter Krist

ṇṇ. Nənanə pacloku a kəder kə wəter ka Krist ɛndɛ,
ndɛkəl oŋ eyi doru.

⁴ Nəna awut em, aka Kanu ṇṇ nəyɔnɛ, kə nəntam
sayibɛ sa yem, bawo nwɛ eyi nu mə, ɛntas nwɛ eyi
doru mə.

⁵ Nə, aka doru ṇṇ. Ti təsɔŋɛ ntɛ moloku maŋan
məyɔnɛ ma doru mə, kə doru dɛncəŋkəl ṇa.

⁶ Səna, aka Kanu ṇṇ səyɔnɛ. Nwɛ ɛncərə Kanu mə,
ɛncəŋkəl su. Nwɛ ɔntɔyɔnɛ wəka Kanu mə ɔfɔcəŋkəl
su. Ti təsɔŋɛ su kəcərə amera ṇa kance kə amera ṇa
kətiŋkər.

Kanu, kəbətər kə

⁷ Nəna aŋɛ imbətər mə, pabətərənɛ,
bawo kəbətər dokom da Kanu də kəyɛfɛ.
Nwɛ o nwɛ ɔbətər, dokom da Kanu d'eyɛfɛ,
k'ɛncərə sɔ Kanu.

⁸ Nwɛ ɔntəbətər mə, ɛncərə fɛ Kanu ali katin,
bawo Kanu, kəbətər kə.

⁹ Tantɛ tɔ kəbətər ka Kanu kənamentərɛ su daco:
Kə Kanu kəsom wan kən sona doru ntɛ təŋsɔŋɛ
pəmar su səsətər kə kiya wəyɛŋ mə.

¹⁰ Kəbətər kaŋkə,
bafɔ sən'ɔbətər Kanu,
mba nkən ɔbətər su.
Kə Kanu kəmbətər su haŋ kə kəsom wan kən,
nwɛ ɔyɔnɛ polonɛ mpɛ pɔŋkump kiciya kosu mə.

¹¹ Nəna aŋɛ imbətər mə, kə Kanu kəmbətər su tante-
ɛ, pəmar səna alaŋ sɔ fəp pabətərənɛ.

¹² Ali katin fum o fum ɛŋgbətɛ fɛ Kanu. Kə
səmbətərənɛ-ɛ, Kanu kəŋyi su daco, kəbətər kən
kəfɔbut su.

¹³ Tantɛ tɔ səntam kəcərə a səyi dəKanu, kə Kanu
kəyi dəsəna: Bawo ɔsɔŋ su Amera ṇən.

¹⁴ Kə səna səṅgbətne, kə səyone sede a Papa osom Wan kədeyone wəyac ka doru.

¹⁵ Nwe o nwe oṇwose kəloku a Yesu oyone Wan ka Kanu mə, Kanu kəṇyi kə, nkən sə pəyi dəKanu.

¹⁶ Kə səna, səncəre kəbətər nke Kanu kəmbətər su mə, kə səṅgbəkər kəbətər kəṅkə kəlaṇ.

Kanu, kəbətər kə. Nwe eṇyi kəbətər disre mə, eyi dəKanu, Kanu kəyi dəwəkayi.

¹⁷ Kə kəbətər kosu kəntəbut-ε, təṇsəṇe su kəbəkne dəsək nde Kanu kəṅkiti su mə. Ta ake-ε? Bawo kiya kosu doru kəwurene kə ka Yesu Krist.

¹⁸ Kənesε kəyi fe kəbətər disre. Kə kəbətər kəntəbut-ε, kəmbeləs kənesε. Bawo kənesε kəncem-ceməs a kətərəs kəndeder. Wənesε, kəbətər kəmbut kə.

¹⁹ Kə səna, səmbətər, bawo Kanu kənanuṅkenε kəbətər su.

²⁰ Kə fum oloku: «Imbətər Kanu» mba pəter wenc wəlaṇ-ε, wəyeme ofo, bawo nwe ɔntəbətər wenc nwe eṇnəṅk mə, ofotam kəbətər Kanu nke ɔntənəṅk mə.

²¹ Tosom tante tə Kanu kənasom su: Nwe ɔmbətər Kanu mə, pəmar pəbətər sə wenc.

5

Kətam kosu ka doru

¹ Nwe o nwe eləṇ a Yesu oyone Krist mə, fum wəkəkə dokom da Kanu d'eyefe. Nwe o nwe ɔmbətər wəkombəra mə, ɔmbətər sə nwe eyefe dokom da wəkayi mə.

² Kə səmbətər Kanu, səcəme sə mosom mən darəṇ-ε, səntam kəcəre a səmbətər awut a Kanu.

³ Bawo kəbətər ka Kanu kəyone a səmeṅkərne mosom mən. Mosom maməkə məfətərəs,

⁴ bawo nwε o nwε eyεfε dokom da Kanu mɔ, ɛntam doru. Tes nte tɔsɔŋε su kɛtam doru mɔ, it'ɔyɔnε kɛlan kosu.

⁵ An'ɔyɔnε wɛtam ka doru-ε, kɔ pɔyɔnε fε nwε ɛlan a Yesu ɔyɔnε Wan ka Kanu mɔ?

⁶ Nkɔn Yesu Krist nwε ɛnader su kɔ domun da kɛgbɛt kɔn dɛromun kɔ mecir ma defi dɔn mɔ, bafɔ domun gbɛcɛrɛm d'ɛnakɛrɛ, mba domun kɔ mecir. Amera ŋɔsɔŋ sede sasɔkɔ, bawo Amera ŋɔyɔnε kance.

⁷ Awa ca maas yɔsɔŋ sede sa ti:

⁸ Amera, domun kɔ mecir, ca yayε maas fɛp yɛntɔŋnε ti.

⁹ Kɔ sɛwosε sede sa afum-ε, sede sa Kanu sɛmbɛk sɛtas si. Bawo sede sa Kanu sɛntɔŋnε kɛsɔŋ sede teta Wan kɔn.

¹⁰ Nwε ɛŋgbɛkɛr kɛlan kɔn nde Wan ka Kanu eyi mɔ, ɔyɔ sede sasɔkɔ d'nkɔnsɛrka. Nwε ɔntɔlan Kanu mɔ, ɛŋgbɛkɛl kance nkε Kanu kɛnaloku mɔ, bawo ɛŋgbɛkɛr fε kɛlan kɔn dɛsede nsε Kanu kɛsɔŋ teta Wan kɔn mɔ.

¹¹ Sede sasɔkɔ sɛmentɛr a Kanu kɛsɔŋ su kiyi wɛyɛŋ ka doru o doru. Kiyi wɛyɛŋ kanɔkɔ, dɛWan kɔn kɛyi.

¹² Nwε ɔyɔ Wan mɔ, ɔyɔ sɔ kiyi wɛyɛŋ. Nwε ɔntɔyɔ Wan ka Kanu mɔ, ɔfɔyɔ kiyi wɛyɛŋ.

Kiyi wɛyɛŋ ka doru o doru

¹³ Tatɔkɔ, incic'on ti, nte tɔŋsɔŋε nu kɛcɛrɛ a nɔyɔ kiyi wɛyɛŋ ka doru o doru mɔ, nɛna aŋε nɛŋgbɛkɛr kɛlan konu nde tewe ta Wan ka Kanu teyi mɔ.

¹⁴ Kɛbanɔsε nkε sɔyɔ nnɔ tewe ta Wan ka Kanu teyi mɔ kɛyɔnε, kɔ sɛntola kɔ paka mpε o mpε tɛfan tɔn disrɛ-ε, ɛmban su.

¹⁵ Kə pəyənə a səncərə a ɛmbaŋ su-ɛ, mpe o mpe pə səntola kə, səŋsətər kə pi.

¹⁶ Kə fum ɛnəŋk wɛnc wəlaŋ pəcciya kiciya nkɛ kəntəsolɛ kə dədefi mə, pətolanɛ kə Kanu, wɛnc wəkakə ɔŋsətə kiya wəyeŋ. Afum akə ŋanciya kiciya nkɛ kəntəsolɛ dədefi mə, ŋ'inloku taŋan. Kiciya kəyi nkɛ kəsolɛ dədefi mə, bafə kiciya kaŋkə k'inloku a pətolanɛ ki de.

¹⁷ Kətəlomɔp nkɛ o nkɛ, kiciya kə. Mba kiciya kəyi nkɛ kəntəsolɛ dədefi mə.

¹⁸ Səncərə a nwe o nwe ɛyɛfɛ dokom da Kanu mə, ɔfəciya. Bawo nwe ɛyɛfɛ dokom da Kanu mə ombum wəkayi, Wələc, Sentani, ɔfəgbuŋɛnɛ kə.

¹⁹ Səncərə a aka Kanu ŋə səyənɛ, mba aka doru fəp ŋayi kətam ka Wələc, Sentani dəntəf.

²⁰ Mba səncərə sə a Wan ka Kanu ɛnader kədesəŋ su kəsək domɔp, ntɛ təŋsəŋɛ səcərə nwe ɔyənɛ Kance mə. DəKance ayi, dəkəmar ka Wan kən Yesu Krist. Nkən ɔyənɛ Kanu ka kance yati kə kiya wəyeŋ ka doru o doru.

²¹ Awut em, nəkəmbərɛnɛ mɛrəŋka.

Kitabu ka Kanu
Portions of the Holy Bible in the Baga Sitemu language
of Guinea
Des portions de la Sainte Bible dans la langue Baga
Sitemu de Guinée

copyright © 2015 Pioneer Bible Translators

Language: Baga Sitemu

Translation by: Traducteurs Pionniers de la Bible

Contributor: Pioneer Bible Translators

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-29

PDF generated using Haiola and XeLaTeX on 29 Apr 2025 from source files dated 29 Apr 2025

e5320012-5c6f-534d-9205-97d787f9a95c